



- Vijeće doktorskog studija -

Broj: 04/3- 3558/25-2

Dana, 03.11.2025. godine

ZAPISNIK

Sa I sjednice Vijeća doktorskog studija Univerziteta u Sarajevu - Šumarskog fakulteta, u studijskoj 2025/2026.godini, održane elektronskim putem 03.11.2025. godine sa periodom glasanja od 24h sa početkom od 11:00 sati dana, 03.11.2025. godine do 11:00 sati dana, 04.11.2025. godine.

PRISUTNI: Prof.dr Alma Hajrudinović-Bogunić, predsjednik Vijeća doktorskog studija, prof.dr Besim Balić, prof.dr Ahmet Lojo, prof.dr Tarik Trešić, prof.dr Sabina Delić, prof.dr Mirza Dautbašić, prof.dr Dževada Sokolović, prof.dr Faruk Bogunić, prof.dr Neđad Bašić, prof.dr Fatima Pustahija, prof.dr Velid Halilović, prof.dr Aida Ibrahimspahić, prof.dr Muhamed Bajrić, prof.dr Dalibor Ballian, prof.dr Mersudin Avdibegović, prof.dr Admir Avdagić, prof. dr Zahida Ademović, prof.dr Dženan Bećirović, prof.dr Emira Hukić, prof.dr Dino Hadžidervišagić, doc.dr Bruno Marić, doc.dr Jelena Knežević, doc.dr Mirzeta Memišević Hodžić.

PRISUTNI koji nisu članovi Vijeća doktorskog studija: sekretar Fakulteta, Delila Salihović, Mr. iur i Emina Uzunović, sekretar Vijeća doktorskih studija.

ODSUTNI: prof.dr Sead Vojniković, prof.dr Azra Čabaravdić, prof.dr Osman Mujezinović, prof.dr Sead Ivojević, prof.dr Ćemal Višnjić, prof.dr Jusuf Musić.

Konstatovano je da na današnjoj sjednici prisustvuje 23 člana Vijeća doktorskog studija, te da se mogu donositi punovažne odluke po dnevnom redu. Sjednicom je predsjedavala predsjednica Vijeća doktorskog studija, prof.dr Alma Hajrudinović-Bogunić, na osnovu čije je saglasnosti u skladu sa članom 9. Poslovnika o radu Vijeća doktorskog studija Univerziteta u Sarajevu – Šumarskog fakulteta dostavljen poziv i materijal za ovu sjednicu, te se pristupilo glasanju u roku predviđenom za isto.

Na ovoj sjednici utvrđen je sljedeći

DNEVNI RED

1. Razmatranje i usvajanje zapisnika sa VI sjednice Vijeća doktorskog studija Univerziteta u Sarajevu - Šumarskog fakulteta.
2. Razmatranje i usvajanje Prijave teme doktorske disertacije doktoranta Mr Nihada Karšića, pod naslovom: "Modeliranje i optimizacija uzgojnih sistema kod konverzije kitnjakovih izdanačkih šuma (*Quercus petraea* (Matt.) Liebl.) različite strukture i kvaliteta".
3. Razmatranje i usvajanje molbe doktoranta Damira Prljače, Mr šumarstva o produženju roka završetka trećeg ciklusa studija.
4. Razmatranje i usvajanje prijedloga odluke Vijeća doktorskih studija o oslobađanju troškova školarine za prvu godinu III ciklusa studija studenata kojima se priznaje 60 ECTS bodova, a koji su stekli zvanje magistra nauka (predbolonjski postdiplomski studij) i proceduralnom rješenju upisa u III semestar III ciklusa studija, a u skladu sa novim Pravilima studiranja za treći ciklus studija na Univerzitetu u Sarajevu – doktorski studij (broj: 01-4-9-1/24 od 28.02.2024. godine).
5. Razmatranje i usvajanje zahtjeva za dodjelu ECTS bodova po osnovu završenog postdiplomskog studija i odbranjenog magistarskog rada za doktoranta Mr Vildana Hajića.

Tok sjednice i zaključci:

Ad 1.

Zapisnik sa VI sjednice Vijeća doktorskog studija Univerziteta u Sarajevu - Šumarskog fakulteta jednoglasno je usvojen.

Ad 2.

Na osnovu člana 8. i člana 29. Pravila studiranja za treći ciklus studija na Univerzitetu u Sarajevu – doktorski studij (broj:01-1101-79-1/18 od 19.12.2018. godine), u skladu sa Odlukom o dopuni Pravila studiranja za treći ciklus studija na Univerzitetu u Sarajevu , broj: 01-1101-79-1/18 od 19.12.2018. godine (broj: 01-3-40/19 od 30.01.2019. godine) i Odlukom o izmjenama i dopunama Pravila studiranja za treći ciklus studija na Univerzitetu u Sarajevu broj: 01-1101-79-1/18 od 19.12.2018.godine sa pripadajućim izmjenama i dopunama (broj: 01-20-142/21 od 24.11.2021. godine), Vijeće doktorskog studija Univerziteta u Sarajevu – Šumarskog fakulteta, na svojoj I sjednici koja je održana elektronskim putem 03.11.2025. godine donijelo je sljedeću

ODLUKU

I

Prihvata se prijava teme doktorske disertacije doktoranta Mr Nihada Karšića, pod naslovom: "Modeliranje i optimizacija uzgojnih sistema kod konverzije kitnjakovih izdanačkih šuma (*Quercus petraea* (Matt.) Liebl.) različite strukture i kvaliteta" broj: 01/1-2793/25 od 16.09.2025. godine.

II

Ova odluka stupa na snagu danom donošenja.

Obrazloženje

Kandidat Mr.Nihad Karšić, podnio je prijavu teme doktorske disertacije sa potrebnom dokumentacijom. Vijeće doktorskog studija je na I elektronskoj sjednici razmotrilo prijavu i predložilo prihvatanje teme. Na osnovu navedenog donesena je odluka kao u dispozitivu.

Ad 3.

Na osnovu člana 8. i člana 22. Pravila studiranja za III ciklus studija na Univerzitetu u Sarajevu, broj: 0101-38-276/11 od 29.12.2010.godine, molbe doktoranta Mr Damira Prljače broj: 01/1-3360/25 od 16.10.2025. godine, Vijeće doktorskog studija Univerziteta u Sarajevu – Šumarskog fakulteta, na svojoj I sjednici koja je održana elektronskim putem 03.11.2025. godine donijelo je sljedeći prijedlog

O D L U K E

I

Odobrava se produženje roka završetka trećeg ciklusa studija doktorantu Damiru Prljači, Mr šumarstva upisanom na Studijski program trećeg ciklusa studija šumarstva i hortikulture na Univerzitetu u Sarajevu – Šumarskom fakultetu

II

Rok studiranja produžava se za period od jedne godine. Imenovani je obavezan da završi sve preostale studijske obaveze predviđene nastavnim planom i programom trećeg ciklusa studija u navedenom roku.

III

Ova odluka stupa na snagu danom donošenja i dostavlja se Vijeću Fakulteta na saglasnost.

Obrazloženje

Vijeće doktorskog studija Univerziteta u Sarajevu –Šumarskog fakulteta je na svojoj I sjednici koja je održana elektronskim putem 03.11.2025. godine razmatralo molbu doktoranta Damira Prljače, Mr šumarstva za produženje roka završetka trećeg ciklusa, s obzirom da je imenovani već više od pet godina u statusu doktoranta i nije mogao završiti sve obaveze u predviđenom roku.

U svojoj molbi Damir Prljača, Mr šumarstva navodi da mu je od obaveza predviđenih doktorskim studijem ostala odbrana radne verzije doktorske disertacije i javna odbrana iste, a da isto nije uspio da okonča radi niza faktora koji su uticali na usporenje ovog procesa, kao što su poteškoće prilikom obrade podataka zbog novog softvera i

kompleksnosti njegovog korištenja, bolesti bližih članova porodice, kao i sama procedura koja propisuje da svaki naredni korak mora ići na usvajanja na Vijeće doktorskog studija, Vijeće Fakulteta i na Grupaciju/Senat.

S obzirom na gore navedeno, a u skladu sa članom 22. Pravila studiranja za III ciklus studija na Univerzitetu u Sarajevu, broj: 0101-38-276/11 od 29.12.2010.godine, Vijeće doktorskog studija Univerziteta u Sarajevu - Šumarskog fakulteta razmotrilo je zahtjev i donijelo je prijedlog odluke kao u dispozitivu.

Ad 4.

Na osnovu člana 7. stav (3) i člana 17. stav (2) Pravila studiranja za treći ciklus studija na Univerzitetu u Sarajevu – doktorski studij (broj: 01-4-9-1/24 od 28.02.2024. godine), Vijeće doktorskog studija Univerziteta u Sarajevu - Šumarskog fakulteta na svojoj I sjednici koja je održana elektronskim putem 03.11.2025. godine donijelo je sljedeću

O D L U K U

I

Oslobađaju se troškova školarine za prvu godinu trećeg ciklusa studija kandidati kojima se priznaje 60 ECTS studijskih bodova, a koji su stekli titulu magistra nauka prije uvođenja bolonjskog sistema trocikličnog studiranja. Ovi kandidati plaćaju dvije trećine ukupne cijene studija.

II

Kandidati kojima se priznaje 60 ECTS studijskih bodova će ovjeriti prvi i upisati i ovjeriti drugi semestar na osnovu ove odluke, te time ispuniti obaveze za prvi i drugi semestar trećeg ciklusa studija, nakon čega se mogu upisati u treći semestar trećeg ciklusa studija.

III

Ova odluka stupa na snagu danom donošenja.

Ad 5.

Na osnovu člana 7. stav (3) i člana 17. stav (2) Pravila studiranja za treći ciklus studija na Univerzitetu u Sarajevu – doktorski studij (broj: 01-4-9-1/24 od 28.02.2024. godine), zahtjeva doktoranta Mr Vildana Hajića broj: 01/1-3372/25 od 17.10.2025. godine, Vijeće doktorskog studija Univerziteta u Sarajevu - Šumarskog fakulteta na svojoj I sjednici koja je održana elektronskim putem 03.11.2025. godine donijelo je sljedeću

O D L U K U

I

Studentu trećeg ciklusa studija Mr Vildanu Hajiću koji je završio postdiplomski studij na Univerzitetu u Sarajevu – Mašinskom fakultetu, priznaje se 60 studijskih bodova po osnovu završenog postdiplomskog studija i odbranjenog magistarskog rada prema predbolonjskom sistemu studiranja.

II

Priznati studijski bodovi se evidentiraju kao ostvareni u okviru studijskog programa III ciklusa studija – Šumarstva na Univerzitetu u Sarajevu – Šumarskom fakultetu, u skladu sa Pravilima studiranja za treći ciklus studija na Univerzitetu u Sarajevu – doktorski studij.

III

Ova odluka stupa na snagu danom donošenja i dostavlja se Studentskoj službi radi evidentiranja u dosije studenta.

Obrazloženje

Kandidat Mr. Vildan Hajić, dostavio je zahtjev za priznavanje 60 ECTS bodova po osnovu završenog postdiplomskog studija. Na osnovu uvida u dostavljenu dokumentaciju, te u skladu sa članom 17. Pravila studiranja UNSA, utvrđeno je da kandidat ispunjava uvjete za priznavanje ostvarenih ECTS bodova.

Glasanje je trajalo do utorka, 04.11.2025. godine do 11:00 sati.

Zapisnik vodila

[Redacted]

Emina Uzunović

PREDSJEDNIK VIJEĆA
DOKTORSKOG STUDIJA

[Redacted]

Prof.dr. Alma Hajrudinović-Bogunić

DEKAN

Prof.dr. Besim Balić

[Redacted]

Dostaviti:

-a/a Fakulteta